

[Augsburg], 10. November 1579

An Joachim Camerarius d. J.

UB Erlangen, Briefslg. Trew, Wolf, Hieronymus, Nr. 11.

S. Non venit mihi in mentem M. Gregorij Bersmanni, qui nuper me per literas hortatus est ad descriptionem vitae patris tui. Is verò et successor illius et longo tempore auditor, vir et ingenio et eloquentia praestans, et parentis tui amantiss[imus] atque obseruantissimus, abunde praestabit, quod ego ne conari quidem audeo: nunc praesertim, molesto et diffcili labore corrigendi et augendi tam Graecum quam Latinum Suidam occupatus. Tu quoque fac mandatum parentis exequare: nec occasionem, eius has lucubrationes publicandi, praetermittas. Vale et ignosce festinationi. 10 Nouemb[ris] 79.

Hiero[nymus] W[olfius]  
T[uus].